

قصيدة الأم

من نظم الشاعر عبد المجيد وهبي رحمه الله

آية فالقرآن كآينة فكتاب الرحمان بالوالدين احسان
فيها كمن معاني فيها هذي الله دير بها وطريقو باينا

القسم الأول

يا أمي يا روح راحتي ونتييا لحجاب انت زينت لحباب
بيك السلوان ند صابي انت لميمة بيك روي وحياتي طاربا
تسع اشهور ونت امسليا وتقاصي لعذاب ياريت أو يا مصاب
نقدر نوفي مرغوبي ونكافي لحسان ياك طاعة لميمة واجبا
حين الله ابغى ايزيل حملك شوف المكتاب حاطوا بينا لحباب
خوف عليك وفرحة بي وانفستي ونا حداك نلتي ما كنت راغبا
عمالين ونت اترضعيني لحليب نساب من ثديك راق أو طاب
هوى أكلي وشرابي هوى أوال قوت به ذاتي نالت ما طالبا
ما يعصاش أمو ايهينها أبدا إنسان مومن طاع الرحمان
وحدو ما ليلو ثاني وامصدق برسول ربنا ومأمن ابديننا

آية فالقرآن كآينة فكتاب الرحمان بالوالدين احسان
فيها كمن معاني فيها هذي الله دير بها وطريقو باينا

القسم الثاني

بيديدات احنان كاتلني داتي فثياب وتخافي لا ننصاب
و البرد ايلف اجنابي وتفزعي من عين شيبندام وتباتي راهبا
غير أنا نبكي انت قليبك يخفق مرتاب باغي يعرف لسباب
وعلاش ابكات اهذابي وتراري بيا افحين تغفى لعيون الساكبا
ويلا نمرض ليك حازاني لونك يشحاب وتباتي فالتشغاب
حتى ينشال امصابي وتسعد بيا انهار ربي يصرف المكتاب
كنت اضعيف وكان عود ذاتي لين مرطاب وشبابك فييا شاب

ونا كملت اشبابي كيف ندير انرد ما فنيتي لعضاك الشايبا
يا عاصي يماه كون كنت فيك الإيمان تدمع عينك بثنان
لقوال الله الغاني كيف تقول نهار يا الغالط تسأل ابحاننا

آية فالقرآن كايئة فكتاب الرحمان بالوالدين احسان
فيها كمن معاني فيها هذي الله دير بها وطريقو باينا

القسم الثالث

كما رسول الله ليك حدث وعطاك الشان تحت اقدامك لجنان
حبك ما ليلو ثاني بعد احبيب الله طاعتو ونتيا فقلوبنا
يا قلب القلوب ساكننا يا قرت لعيان يا ينبوع الحنان
وصفك فوق المعاني ونحاول ونقول قول عسا يفصح بحوالنا
يا أمي لعباد نايمنا وانت فالدجان نشوانا بالسهران
هذا هو التفاني هذا هو الحب حين تخفق لقلوب الساخنا
يا أمي وانت اعنايتي يا حزن الأمان زاهر بيك أو نشوان
يا من تظفي نيراني يا برد المهجة الهايجة يا راحة لخيالنا
حبك حب احنين هزني هيجلي لكان وصبح قلبي رويان
نظرت عينك فعاني فيها نور الله شاع شعشع والحب الألفنا

آية فالقرآن كايئة فكتاب الرحمان بالوالدين احسان
فيها كمن معاني فيها هذي الله دير بها وطريقو باينا

القسم الرابع

يا رابيع القلب يازهارو روضك مزردان امخضر فيه افنان
يلمع لنو عقياني وانت يا سويداء اقلبنا ونشوى لفكارنا
يا حسنا لحسان حاسنا يا روح الريحان فقتي عن كل احسان
لاين قلبك رباني وحسان حسانك هزما وشمل كل انخالنا
ياوردة بالطيب شادية يسقيك الهتان وتعيشي فالأمان
حامل ليك التهاني وانتيا شمعة امنورة منك سر انوارنا
يانغمة بالحن صادحة يا لحن الأحان لحنك لحن الحنان
ليلك نهذي الحاني والعازف قلبي وبيك قلبي لولاكي ما هنا

يا طابع ترعى الميمتك برضاها سعدان تسعد بيها فرحان
فرحاتك بيها هاني هاني هاني بين افراد لمتك يازتي حتى احنا

آية فالقرآن كآينة فكتاب الرحمان بالوالدين احسان
فيها كمن معاني فيها هذي الله دير بها وطريقو باينا

القسم الخامس

مرت بي لعوام سارعة وطويت الزمان مريت ابكل امحان
فالعشق ارميت احناني والقيتك حبي اوكل داتي بكيانك كآينا
كي وردة بالطيب واهبة ما تطلب ثمان وردة من دون الوان
وردة نبتت فكناني ماتطلب تعويض غيرتوهب فلهب بلاونا
بين ايديك انصيب راحي ونحس ابحنان ننسى ظرف المكان
ننسى ظرف الزماني وانغيب وانغيب لا معاني لشيآت الكاسنا
يا صاغي للغاي ليك نهذي رايق لوزان ملحوني بالميزان
سير واغرد بالحناني واهذيها ليها ياك تفرح بها و انت اهنا
ويلا بلحياة باقية آمرك الديان بالذل اخفظ جنحان
رحمة بيها تفاني واتهلا فيها وبر بيها نورك بيها اسنا
ويلا دار الخلد ساكنة يرحمها الرحمان ويسكنها لجنان
ورفع كفك للغاني يرحمها و الأب كيف حتى هما رباونا
واسمي عاد اسما انبينو لصحاب الميزان وهبي ناظم لوزان
عبد لمجيد السلواني معطيت ربي الله عاطي طلبوه ابحالنا
أنا وشادي وجميع الأخوان حتى منهو خزان
والفاهم ليه ابياني والهاوي لشار لالين الشعررسول ادخالنا

آية فالقرآن كآينة فكتاب الرحمان بالوالدين احسان
فيها كمن معاني فيها هذي الله دير بها وطريقو باينا

تمت بحمد الله